

# Gui'ch wyon wfua' Juan

*¡Diux Gayo!*

**1** <sup>1</sup> La men gol re rka' gui'ch re, la'w zi'd lol wa nakil compañer men rneladx Jesús, naki'l tib men nlepa' rkadi'n.

<sup>2</sup> Nlepa' rkadi'n lu compañer, la'n rnab lo Dios, gak gakno men lu xniaz yruka yrati' go'n karlal. No rnabpa'n lo men zik skua nlepa' buen zul lo men, skuaka yne'dx men guilnguia'l lol.

<sup>3</sup> Nadis rak wbire pa lal xcompañer ba men wdx'i wa, wslo men rxuxti'dx men xan tiga'k ndxi'ch zul, mbeni'l xan rxo'dx Dios yben ba, ni xan zankal dxich xiwse'd Jesús. Hor won naw nlepa' wxildi'n.

<sup>4</sup> ¡Tib guilrxil nro'b naku tlon, roni'n skua mben yra men wnen xti'dx Dios lo! Niudir pi stib cos skua kuguilrxili'n.

<sup>5</sup> Compañer men rneladx Jesús, lo yrati' go'n rla'l par gu'n xiyudar xcompañer ba, mazxi' rumbe'ydil men, wa rlu' xan nlepa' roni'l di'dx lo Jesús, men rka'lo ba. <sup>6</sup> Hor la' men wdx'i'd ne, wdéd men wxuxti'dx men lo no yra no xan rkalza no, xan nlepa' rkani'l men. Rnabi'npa'n, chil pi nak go'n rki'n men, bla favor bi'n xiyudar men, dxen zak chari' men led

niu' cha men. Bi'n xiyudar men zik rla'n Dios yla ba. <sup>7</sup>La' men wru par chane' men xiwse'd Jesús lo miech stib den, nilki rnbadi' men nikli rkaniadiga' men dimi go'n rded yra men rne'ladxdi Dios. <sup>8</sup>Gon kien nak, yupli niupa' ba yja'nia men, ba niu' te'd go'n yji'n men, dxen skua gu'n ba xiyudar men yrechlalri wse'd Jesús.

<sup>9</sup>Wxa'li'n tib gui'ch lo yra men rkalza niaz kua. Per, nedi Diótfefes yja'diag men go'n rnen, skua ka men tiga'k rla'n men guia guia'n men. <sup>10</sup>Go'n kien nak, hor la'n guial lo tu wa, hor kien yupli sliskin lo men yra go'n karla, porque niu' men karne' men di'dx niuxchi' led no, ka men karcho'w-di'dxbiux men no.

No ninakdow go'n kuati', sinque nedi men yjania men yra men niu' karne' xiwse'd Jesús. Men rla'n te'd led kuez men kien, rdeti' men di'dx, rbo' men men lad yra men nakyra men.

<sup>11</sup>Compañer, naki'l tib men nlepa' rkadi'n, yupli lan rnb lol chankadi'l dxich yra gon rla yra men rla guilmal. Sinque men rla go'n buen, go'n xniaz, go'n kien guanka dxich. Binsiadx, men rla go'n buen, go'n xniaz, nga rlu yupli xniaz Dios niu' men; sa'ndi men rla go'n mal, nga rlu' zardi gumbe'y men Dios.

<sup>12</sup>Golbla favor xniaz golpkania Demetrio. Zik nak Demetrio, yrati' men nakyra ba rne tib miech buen nak men. No rlu'w, porque mben men xan rxo'dx

xiwse'd Jesús. No non, nanpa'n tib miech buen nak men, no nanpa'l gon nakdi'n men rkade.

<sup>13</sup>Ndalri' nak go'n rlati'n ynen lol, per rla'diti'n yja'-naw ne lo gui'ch re. <sup>14</sup>Porque la'n ru'n pensar la'n guialte'd lo tu wa, hor kien dxiguien la' ba yxuxti'dx yrup ba.

<sup>15</sup>Dios gaknol, men gapcuenti'l, pit guilriu ychebdil. Yrati' xiamiguil, men rumbe'yi'l ne, rla'n men gakanani'l rkan men lu.

Bla favor, guch lo tib tib xiamig ba wa, rkani'n men.